

تورک پوردی

تورکلرک فائده سنه چالیشیر
اون بش کونده بر چیقار

بیل ۷ - جلد ۱۴ - عمومی صای ۱۵۳
۱۶ شباط ، ۱۳۳۴ - صای ۳

نادر شاه

۱

تورک ملتک حیات و موجودیت سیاسیة سنده مهم موقعلر اشغال ایتش اولردن بری ده آفشار « نادر شاه » در .

آفشارلر ، اوغوز و یاخود تورکمن لارک آیریلدیغی یکریمی دورت شعبه نك بریدر ، متعدد اویمقلره منقسم ایدی . آفشار اویمقلرینک دیگر اوغوز شعبه لری کی تورکستانی بر اقرق جنوبه کوچلری ساجوقیلرک خراسانده حکومت قورمغه قالدققلری زمان باشلامش ایدی ؛ مهاجرت موغوللرک شرقده کی ممالک اسلامیه نی اله کچیرملرینه قدر سورمشد . هجرت ایدن اویمقلر ایران ، شرقی قافقاسیه ، آناتولی ، الجزیره ، عراق عرب و سوریه طرفلرینه طایفه غلامش ایدی .

آفشار اویمقلریندن بعضیلری ماوراءالنهرده ، آمو دریا [جیحون] نك شمالنده توطن ایتش ایدی ؛ بونلر وقت وقت ایران ایچیرلرینه آقین ایدیورلردی . ایرانده موغول حکومتی تأسیس ایتدکده خلق بونلرک یاغمالرندن ، صارقندیقلرندن شکایت ایتدیلر ؛ موغول خانی دخی آنلری کوچوروب آذربایجان اووه لرینده قوندردی . شاه اسماعیل صفوی نك تأسیس حکومتی ایچون جانیساران چالیشانلردن بریده آفشارلردر . بونلر طوائف قیزلباشیه نك الک بویوکی ایدی . آذربایجانده بولنان اویمقلره آناتولی و سائر یلردن کلنلردن مرکب ایدی . شاه اسماعیل ایران مملکتک تمامیت ملکیه و وحدت سیا سیة سنی میدانده کتیرمش ایسه ده بوکا زماننه

قدر ایرانده حکمفرما اولان سنیلکی شیعیلکه تبدیل ایله موفق اولدی خصوصی قومشوملتلرجه عداوتی جلب ایتدی . بونلردن کثریاده شدتلی عداوت بسلینلر تورکستان و ماوراءالنهرک حاکمی بولنان اوز بکلر ایدی . ایران حدودینی زورلارلر ، داخلنه کیروب آقین و یاغما ایدرلر ایدی . آنلرجه صفوی اوچاغی تبعه نك مالی حلال و اسارتی مشروع ایدی . شاه اسماعیل حکومت و تبعه نه قارشو باشلایان بوجریانک اخلاقی دورنده آله جنی شکدن اندیشه نك اولدی ، حدودلرک تحکیم و تأمیننه قالدیشدی . اورالره تبعه نك الک جسور خلقی یرلشدیردی . بونلردن برقیمی ده موغوللر طرفندن آذربایجانده سوریلان آفشار اویمقلریندن ایدی . خراسان حدودنده یرلشد یرلشلر ایدی . او طرفلرده اسکان ایدیلان چشمکیزک و سائر کورد طائفه لرله ایران شیعیلرینک محال مقدسه لرینک الک مهمی اولان مشهدی اوز بکلرک تعرضلرینه قارشو مدافعه کی الک کوچ برایشه مأمور اولمشلر ایدی .

خراسان غربیده اسکان اولنان آفشارلر امیرلو ، کندرلو ، قرقلو و سائر اویمقلره منسوب ایدیلر . قرقلو آفشار اویمقلریندن دکلدر ؛ اوغوزلرک منقسم اولدیغی یکریمی دورت شعبه دن بری اولان قرقدر . قرق شعبه سی اویمقلری آناتولیده و سائر محللرده آریجه ، برشجه اوله رق اثبات وجود ایتشلر ایسه ده آذربایجانده اقلیتده بولندقلریندن آفشارلره قاتلشلر ، آنلرک براویمغی اوله رق طانیلمشلردر . بو قرقلو

اویماغی مشهدك شمانده واقع ایسورد ملحقانیدن
میاب کوپكان سرچشمه سی نام موقعدہ یابلا یور ،
دستچرودودره کزده قیشلا یور ایدیلر .

نادرشاه قرقلو اویماغندیلر . ایران حکمداری
شاه سلیمان دورنده ، هجرتك ۱۱۰۰ سنه سنده
دستچرودده طوغمشدر . پدری امام قولى آدنده
بركسه ایدی . چوجغه دهده سی ندر قولى بكك
اسی ویرلشیدی . کوچوكلکنده پدرینك
قوبولری کودمش ، چوبانغی ایش ایدی .
هنوز اون بش یاشنده ایکن اویماغی آره سنده
ظهور ایدن منازعه لره قاریشه رق ویاخود
آنلك دیگر اویماقلره قارشى مجادله ونهب
وغارتلنده بولنه رق ازلک و پنیجیلک ده ابراز
مهارت و بعض امورده مزیت فکریه وعقلیه سی
ایله اثبات رشد وکیاست ایتش ایدی . یوزماندن
اعتبار آندر قولى آدی نادر قولى به تبدل ایتمشدر . اون
یدی یاشنده ایکن والده سیله برابر هرسته خراسانه
آقین ایتکده اولان اوزبكلرك اله اسیر دوشدی .
کوله لکی درت سنه قدر سوردی . آناسی اسه
رتك طاقت شكن زحمتلرینه اوزون مدت طیانده
میوب اولدی ، کنديسی قوریتلهرق یالکیزجه
یوردینه دوندی . اسارتی زماننده واسطه معیشتی
اولان مال دنیلن طاواری محو اولمش ایدی .
یوردینه غودتنده معیشت محرومیتلری باش
کوستردی ؛ بوندن طولانی مال صاحبی تورکلك
سورولری ضایع ایتدکلری وقت طوندقلری
یوله کتیدی ، یعنی صنعته توسل ایتدی . انتخاب
ایتدیکی صنعت کورک دیکجیلکی ایدی .

نادر قولى کوچوک یاشندن بری اکتساب
نام وشهرت ایله احراز رتب وتحصیل ثروت
املنده ایدی . اسارتی و اوائلنده چکدیکى اذیتلر

بواملی سونديره مامش ایدی . یوردینه دوندکده
اولجه قازانعه باشلا دیقی صیت وشانك اونوتلیدیغی
کورمش ، درد معیشت شهرت سابقه سی یکیدن
پارلاقمه و اوایندیرمه وقت ومیدان ویرمیه رك
کندينى صنعتك قوجاغنه آتمش ایدی . فقط
ذهنی دائماً بونكله مشغول ایدی . صنعت ایله اشتغال
حالنده بو فکرنی موقع اجرايه وضع ایله
تعقیب محال ایدی . نهایت املی میدان کتیرمك
ایچون خیلی اوزون مدت اوغراشدیغی صنعتی
یراقدی ؛ افشارلرك کوسه احمدلو اویماغی
رؤساندن باباعلی بك خدمته دخول ایتدی .
باباعلی بك اوزبك وتورکملره مجادله
ومحاربه لرده شجاعت وجسارتیه شهرت آلمش
برکیمسه ایدی . نادر قولى تك بالخاصه بو آدمك
خدمتی قبولی اوزبك و تورکمن مجادلانته
اشترک ایدوب شجاعت وسواریلکنى تکرار
کوسترمك وشهرت قدیمه سی یکیدن اوایندیرمق
ایدی . بر از مدت صورکه اقدیسك قیزینه
طالب اولدی . باباعلی بك اول امرده قیزينك
نادر قولى ایله ازدواجنه موافقت ایتدی . فقط
اویماقك دیگر رئیسلى بوکامخالفت ایتدکلرندن
اوده فکرنی تبدیل ایلدی . نادر قولى تك
اویماغی ده ازدواجك حصولی ترویج ایتدیلر .
بو سیله هر ایکی خاق آراسنده ظهور ایدن
منازعه ومجادله خلیجه اوزون سوردی . کوسه
احمدلو رؤساندن نیجه نام آوران مصادمه لرده
هبا اولدی . نهایت نادر قولى طرفی غلبه چالدى .
بابا علی بك ده بالذات نادر قولى النده مقتول
اولمش ایدی . نادر قولى بو صورته آرزو
ایتدیکی قیزی اله کچیرمش ، احباله ازدواجنه
آمشدر . اوزمان یکریمی طقوز ، اوتوز یاشنده
ایدی .

اغتشاشدن قومشولرنجه دخی استفاده فکری حاصل اولمش و تجاوزلری باشلامش ایدی .

عصیانلرک وقاریشیققلرک تأثیری مرکز حکومتده هان غیر محسوس ایدی . شاه کندی عالمنده اوقات گذار اولمقده ، وکلا و رجال دولتی ایسه بر برلریله اوغراشمقده ایدی . ولایه و حکام جریان احواله قارشلی بر وضع متوکلانه آلمش ایدیلر . مع مافیہ ظلم و بی دادی سایه‌سده اولان قازانچلریله مشغول اولمی اونومور ، بر اقیور ایدیلر . بونلرک وضعیت متوکلانه‌لری سببیه نفوذ حکومت هیچه ایندیگدن مملکتک هر طرفده پک چوق سرکشلر و قطاع طریق ظهور ایتمش ایدی . بواریاب فتن و فسادده دیگر جانبدن خلقی صوبیور و پریشان ایدیور ایدیلر .

ایران دولته شتاده فوران ایدن عصیانلر و ظهور ایدن حکومتلر - سببیه انهدام باشلامش ایدی ، مملکت پارچالانیوردی . صفوی خاندانک آرتق زمام حکومتی الده طوطمه . موفق اوله میه جفی محقق ایدی . قاریشیققلردن بالاستفاده کندیه بر موقع تأمین فکری نادر قولی نکه ده ذهنه تبادر ایتدی . مع مافیہ فکریک حصوله یاردیم ایده جک قوم و قبیله ، اعوان انصار کبی ظهیری یوق ایدی . مدار استنادی آنجق شخصی قوت و اقتداری ایدی . قازانجی صیت و شهرتک اطرافه طویلا یه جفی آدملر سایه‌سده بو ایشی باشاره بیله جک ایدی . فقط ایتدای امرده اعوان و انصاری منسوب بولندینی آفتارلردن اوله . میه جق ایدی . چونکه آفتار اویماقلری متفرق بر حالده اولوب آرالرنده ارتباط یوق ایدی ، بونکله برابر آنلرجه من القدیم شایان احترام

ایران بو ائشاده عصیانلر وقاریشیققلر اینجده ایدی . شاه اسماعیلک اخلاقی - برایکی استنادن صرف نظر - شاه سلیمانده قدر مقتدر ذاتلر اولوب ایرانک تمامیتنی محافظه ایتمش ایدیلر . شاه سلیمان ایسه عقلسز و تن پرور بر حکمدار ایدی . مصاحبت زنان ، مناسبت اکفا و اقرا نایله اوقات گذران ایدی . دور سلطنتده همجوارلرک تعرضاتی باشلادی . اوغلی شاه حسین طبعاً یاواش ، عایت دیندار بر ذات ایدی . محاسنی پدرینک معایبندن زیاده مملکتک خرابی موجب اولدی . دور حکومتده مناصب عالییه ارتقا ایدن منالر و سیدلرله خادم آغالری مشیر و مدیر امور دولت ایدیلر . مرکز سلطنت اولان اصفهان ظاهری غنوده سکونت ، ولایتلرک حالی پک زیاده شایان مرحمت ایدی . حکام خلقی ظلم و جورلریله ازیور ایدیلر . مظالمک زیاده حکومتک استناد ایتدیکی شیعیلک خارجنده بولنالرله ، سنیلره قارشی اجرا اولنیور ایدی . نهایت ایران قطعه‌سک شرقرده ناثره اختلال کمال شتله علوریز اشتعال اولدی . افغانلردن غلجائی لر رفع لوای عصیان ، دولت ایرانیه طرفندن اوزرلرینه دفعاتله سوق اولان اوردولری پریشان ایده رک ساکن اولدقلری قندهار شهری و حوالیسندن مرکب اولمق اوزره بر حکومت تشکیل ایتدیلر . بو اختلال ایرانک دیگر طرفلر - نده فنا تأثیرلر ایقاع ایتدی . لژی کلر و کوردلر دخی باش قالدیردیلر . عصیان بعده قندهاردن خراسان شرقیه سرایت ایتدی . افغانلردن ابدالی لوده هان نادر قولی نکه ازدواجی زمانده اولمق اوزره ساکن اولدقلری هرات بلده سنی ضبط ایله تأسیس حکومت ایتدیلر . ایرانک

نادر قولی بک کلاتدن چیققدن صوکره
تکرار شقاوته سلوک ایتدی. بودمه حیدودلقه
اولکی کبی آرز برجهیت ایله محدود بردارده
وسرقت، قطع طریق کبی اوفاق ایشلرله دکل
اطرافسه بویوک برجمعت طویلامق وواسع
مقیاسده نهب و غارت ایتک فکر ایله باشلامش
ایدی. آبدالی لرك تماماً خراسانک شرقی الده
ایتملری غریبنده تأثیرینی کوسترلرک محل محل
بک چوق سرکشلر باش قالدیرمه مش واورانک
احوالی زیاده قاریشدرمش ایدی. بوارباب فن
وفساد شجاعت وکیاستی اورالرجه ضرب مثل اولمش
نادر قولی کبی برذاتک تکرار حیدودلقه میدانه
چقهرق باشنده کی خلقی چوغالتمق ایچون
تشویقلرده بولمسنی برنعمت غیر مترقبه عد
ایتدیلر، ساجخانی التنده بولتمق اوزره جان
آتمغه باشلادیلر. اوزون زمان کچمه دن یاتنده
اوچ بیک قدر کسه طویلانندی. بونلر بالاتفاق
امارتی تکلیف و قبول ایتدکلرندن نادر قولی
بک جمله سنی آله رقی شماله چکلدی؛ ابیورد
وکلان حدودلارنده و سائر دشته ماحق سرحدانده
ماوی طوندی. معینده کی خلقی بسلیمک وادار-
لرینی تأمین ایتک ایچون اول امرده خراسان
خلق اوزرینه غایت آغیر برخراج طرح ایتدی.
بعده آقینلره باشلادی.

نادر قولی بک جوارلرنده برلشمسی او طرف
عشار و قبائلجه اول امرده مساحه ایله کوردولمش
ایسده کوندن کونه قوتی تزید ایتمی خوشه
کیمکه باشلا بوب علمنه حرکت و قیام اماره لری
کوروندی، مجادله و منسازعه فورطنه لرینک
عن قریب قوپه جفی آکلا شلیور ایدی. نادر
قولی علمنده اولان جربانی آکلامش ایدی.

بر خاندانه منسوب اولدیغندن اویماق رؤسائی
فکری اطرافنده طویلامق قابل اوله میه جق
ایدی. بوندن طولانی خراسان غریبنده بولنان
حیدود جمعیتلرندن بریه برلشدی، آنلرک
باشنه کچرک اطرافه ایلغازه و زیارت و تجارت
مقصد ایله مشهور کلن کاربانلره تعرضه باشلادی.
معینده کی خلقی یاغما ایله بسله یوردی. بصورتله
بهادر لکی آوازده سی بوکسلیمکه باشلادی.

نادر قولی بک صیتی یاواش یاواش مشهد
حکومتک نظر دقتی جلب ایتیمکه باشلادی.
نهایت اورانک بککریکیسی طرفندن دعوت
اولدی. نادر قولی، طرفک مزاحم اور
مشاغله دن بزمش ایدی. آتیمی حقنده پارلاق
وعالی فکر لر صاحبی ده اولدیغندن حیدودلقه
مشغول اولمسی و بونام ایله یاد اولمسنی آرزو
ایتموردی. بوندن طولانی بککریکینک دعوتی
جانه منت بیلدی، خدمته دخول ایتدی.
اوز بککریله جنک وجدالده ابراز ایتدیکی آثار
شهادت و جلادندن طولانی اون باشی، یوزباشی
ویک باشی رتبه لرینی آرز زمانده قطع ایدرک
امارت و سردارلق مرتبه سنی اجراز ایلدی.
فقط بککریکی متعاقباً بعض یولسز حرکتندن
رنجیده اولمش، تأدیپ و تربیه سنی امر ایتمش
ایدی. نادر قولی بک دکنک اورمسی کبی قایا
و شدید برمعامله به معروض قالمسندن متأثر
وغضبانک اوله رقی مشهددن چیقوب کلات موقعه
کیتدی. عموجه سنی بوقلعه ده حاکم اولوب
آفشارلردن بر آرز غایله ایله او طور بیوردی.
عموجه سنی یکنکک اطوار و احوالی بکنه.
میه رک اندیشه ناک اولدیغندن بک آرزمان صوکره
کندیخی قلعه دن چیقوب کیتیمکه اجاز ایتدی.

و تطمین ایدرک کندینه اطاعت ایتدیردی .
 بوسایده اییوردایله دره کز قلعه سنی ده سهولته
 انه کچیردی . بورالری کندینه و معینه مسکن
 و مأوی اتخاذ ایلدی . اییورد موقعی ملحقانیله
 برلکده مشهد بکلر بیکلکنک برسانجای ایدی .
 ایران حکومتی اصطلاحده سانجایه سلطانلق ،
 متصرفه سلطان اطلاق اولدیفندن نادر قولی
 بک بوندن صوکره اورالجه اییورد سلطانی
 دیه یاد اولندی .

نادر قولی بک بک چوئک املاز بسلمکده
 اولدیفندن شقی نامنی کندینه یاقیشدیره یورایدی .
 اوزمانه قدر شقاوت طریقده دوامی بالمجوریه
 ایدی . بر موقع طوبدقده طورخی دکیشدیردی .
 آمال و منویانه آرزو ایتدیکی شکل و وسعتی
 ویرمک ایچون خراسانک هر طرفدن طولانمش
 آدملره دکل مملکتی خلقته یعنی آفشار و کورد
 اویماق لرینه استنادی ده صاغلام و امنیت بخش
 بولدی . آقین و تهب و غارت مثللو جبر و شدت
 معامله لرینی براقیدی . بو واسطه لره معیشتلری
 تأمین اولان یاننده کی خلقک قم اعظلی یاواش
 یاواش طایغیدی ، یالکز اله کچیردیکی محللر
 اهالیسندن بولنان آفشارلره کوردلره منسوب
 اولان خلق قالدی .

آفشار اویماق لرندن اکثرلیسی کلات حاد-
 نسنک تأثیریه نادر قولی به اطاعت کوسترمش
 ایسه ده بعضیسی علمدار قلش ایدی . بونلر
 هیچ بروجه تایل کوسترمیور ایدیلر . بو
 اویماق لر رئیس لر نیجه نادر قولی کی عوامدن قولک
 قوت و قدرتیله کندینه تأمین موقع ایدن برکجه سنک
 اطاعتنه بویون اکمک کوچ ایدی . بونکله برابر
 اطراف لرینده اولان خلق اوزرنده امر و نهیلری

برطرفدن معیتنده کی خلق تکثیره و دیگر
 طرفندن ده ادوات و مهمات حربیه و ذخائر
 مثللو لازمه لری اکماله تشمیر ساق اهتمک
 باشلادی .

عموجه سی نادر قولی نك قوت و قدرتنك
 کوندن کونه چو غالمقده اولدیغنی کوردکده
 ماجرای سابقه دن طولانی یورکنسه قورقو
 دوشدی ، آکا قارشى دوست و هواکار طورلری
 طاقیندی . نادر عموجه سنک کوستردیکی دوستلق
 و طرفدارلق اطوارینک ساخته اولوب انه
 فرصت کچدکده دائماً افکارینه قارشو
 طوره جغنی بیلیور ایدی . معافیه صورت
 ظاهرده بوکا قارشى حسن قبول ابراز ایتدی .
 نهایت عموجه سی نادر قولی بکه بر مکتوب
 یازهرق شاهک خدمتنی قبول ایتسنی و آغائلرله
 محارب لرینده مددکارلق کوسترمسنى بیلدیردی .
 نادر قولی بک عموجه سنک فکرینه بک زیاده
 ممنونیت ابراز ایتدی ، شاه جراثم سابقه سی
 عفو ایتدیکی حالده ، قصور لرینک تلافیسی ایچون
 چالیشه جی خبرنی کوندردی . بوصوله آرارلرنده
 بالمسئوله ائتلاف حاصل اولدی . نادر قولی کلات جانبیه
 کیتدی ؛ عموجه سی ایله ملاقی اولدقده اله چکن
 فرصتی فوت ایتدیرک آئی طوتدی ، کندی
 ایله اولدوردی . کلات قلعه سنی ضبط ایتدی .
 عموجه سنک عاقبتی و « قلعه خدا آفرین »
 دیه یاد اولان کلات کی مهم بر موقعک ضبطی
 علمینده بولنان قبیله و عشیرت لری مهوت و متحیر
 قیلدش ایدی . نادر قولی آنلرک بوشاقینلغندن
 استفاده ایدی . کلات جواریه اییورد و دره کرمواقی
 و اطراف لرینده بولنان آفشار و کوده طاقه لرندن
 بعضی تنیه و اکید و بعضی وعدو عید ایله اقناع

جاری و ایرانده حاصل اولان قاریشقیلغ اقتصاسی
خیلی زماندنبری بولمقلری رلرده نفوذ حکو-
مته تاثیرندن آزاده سربستانه یاشامغه
آلشدقلرندن نادر قولی به تبعیت ایله بونی الدن
قاجیر مق ایسته میورلردی . نادر قولی نك اخیراً
طوتدیغی مسلکک ایجابی اوله رق معیتك آزالد-
یعنی کوردکلرند فکریلری میدانه قویدیلر .
نادر قولی نك عايمدارلرینه التحاق ایتدیلر .
آفشار اویتاقلرینك برقمی معبرلری مواضع
معدوده منحصراً ، متین و مستحکم دیوارلر
ایله چوریشل صارب موقلرده بولنان قلعه لرده
اوطوریور ، دیگر قسمی اووه لر و صحرالرده
قوتوب کوچیور ایدیلر . اولکیلر قلعه لرند
قالدیلر ، ایکنجیلر مشهده ملک محمودك یانه
کوچدیلر . دره کز و ایورد کوردلرندن
بعضیلری خوشان نام محله متوطن کوردلر
التحاق ، بعضیلری ده تورکنلرله عقد اتفاق
ایتدیلر . بوطوائف آفشار ، کورد ،
تورکنلر جمله قلعه لرینك متانته وعدلرینك
کترته استاداً نادر قولی ایله مخصوصه قیام
ایتدیلر . مع مافیه جاهسی برلشوب متفقاً مجادله
ایتمه رك متفرقاً اوغراشدقلرندن بو جهت
نادر قولی نك آتیاً موفقیته بادی اولمشدر .

نادر قولی نك یاننده آنجق آفشار ایلندن
محدود المقدار آدم ایله جالیر ایلندن اوچ ،
دورتیوز خانه خاقی قالدی . بونلر وبالخاصه
جالیرلر هیچ بروقت نادر قولی نك معیتدن
آیرلماشلر و صدقترینی محافظه ایتشاردر .
اعوان و انصارینك قانندن و خصمه لرینك کترتندن

نادره فتور ویأس عارض اولمادی ، معیتك حرب
و ضربده کزیده آدملری آلوب مخالفلریله
مجادله به باشلادی .

آفشارلرله کوردلرک نادر قولی به قارشی
حرکتلرند ملک محمودك زیاده مدخلدار
و مشوق ایدی . بو ذات سیستان مملکتی
ملک زاده لرندن اولوب اورانك حاکمیتی اوزون
مدت صفوی دولتی ، زماننده و آنلردن
اولکی دورلرده خاندانسه مخصوص ایدی .
کندیسی شاه حسینك اواخر عهدنده
سیستانده تون امارت و ایالتنه تعیین اولمش
ایدی . ایرانك قاریشقیلغدن بالاستفاده
عصیانی اوزرینه تون موقعنده محاصره ایدلمش ،
فقط یاقه سنی تأدیبدن قورتارمش ایدی .
وقوع بولان اغتشاش داخلی سببیه مشهده ۱۱۳۲

سنه سنده اله کچرمش ایدی . بعده توسیع ملکه
بالایتدار خراسان غریبه ساکن ایللرک رؤسا
وامراسنی نادر قولی بك دخی آرملرند اولمق اوزره
اطاعتنه دعوت ایتدی ، اکثریسی قبول ایلدیلر .

نادر قولی بك دخی ظاهراً اظهار اطاعت و مشهده
عزیمت ایتدی . بك زیاده حرمت و التفاته مظهر
اولدی . نادر قولی فرصت بولور ایسه بالذات ملک
محموده سوء قصد ایتک و یاخود اورایه التجا ایدن
پاپالوقلیج خان و امیر لولو امام قولی بك بکی اعمال حیل
ایله اله کچیرمک ایچون مشهده کیتمش ایدی .

ملک محمود حقننده کی فکرندن معیتی دخی
خبردار ایدی . قلیج خان ایله امام قولی بك
آفشارلرک ذی نفوذ امراسندن ، نادرک بك
زیاده عايمدارلرندن ایدی . بونلرک مشهده بولمشی
نادر قولی نك اندیشه سنی موجب اولیور ایدی .

نادر قولى بر قاچ دفعه سوء قصده توسل ايتدى
ايسه ده موفق اوله مدي . بونك اوزرينه قليچ
خان ايله امام قولى بكي قانديره رق مشهدين قاچدى .
ايبورده كلدكده اطرافنده اولان ايللرى جمع
ايله رك كندوسنه معاونت و اطاعتلرى
ايچون نصيحتلر و وعده وعيدلرده
بولندي . قليچ خان ايله امام
قولى بلك اتناي راعده
اعدا ملرندن طولاي تشو-
يقاتلرى اورته دن قالمش
اولديغندن جمع اولان خلق
نادر قولى نك اطاعتى قبول
ايتدiler .

ملك محمود نادر قولى نك
مشهدين فرارى ايله تربيد
قوة قيامنى خبر آلدقه توسيع
ملك حتمده كي املنه بويوك بر مانع
اوله جفنى آكلادى . نادر قولى دخى

آنك حتمده عين فكرده ايدى . بوندن
طولاي آزالرنده نأره عداوت و مخاصمت
اشتهال ايتدى ، مدت مدیده بر بريله اوغرا-
شدiler . ملك محمود اول امرده خبوشان
كوردلرني نادر قولى به قارشو قيام ايتدیرمك
ايتدى ؛ راضى اولدقلرندن بالذات سوق
عسكرله آنلری پریشان ايتدی . نادر قولى بك
كوردلك استمدادی اوزرينه خبوشانه قوشمش
ايدى ، آرالرنده ايلك دفعه اوراده ، زيرانو نام
قلعه جوارنده مصادمه قوعبولدى .

نادر قولى بك زير اداره سنده اولان محللك
اطراف وجوانبنده بولنان آفشار ، كورد .
توركن ، تاتار ، عرب باجمله خلق محمودك
طرفدار وفرمانبرى ايديلر . نادر قولى بك



زيرانلو حادثه سندن صوكره ايبورد نواحي سنده
واقع قلاع و قبايله مسكون آفشارلرى تأديبه
قيام ايتدى . اوزون مدت قلعه لرى محاصره
ايدرك برر برر ضبط ايتدى ؛ ايجلرنده كي
خلقى ايبورده و محال ساثره نقل ايدرك
تخریب ايلدى . بعد توركمنلرى
تربيه باشلايارق اللرنده
اولان نسا موقعنى و محال
ساثره ني ضبط ايدى .
بونلردن بعضيسنك خلقنى
ايبورده نقل واسكان
و بعضيسنك اهالىنى
دولت صفويه ووردكلرى
اموال ميربني كنديشه
اعطا ايدككلرني تعهد
ايلدكلرندن يرلرنده ايقا
ايتدى .

خبوشان كوردلرى زيرانو ووقعه سنده
نادر قولى بك معاونتندن پك زياده ممنون اولدقلرندن
اوغورنده جان و باشلرني فدا ايلمكه عهد و ميثاق
ايشلرايدى . نادر قولى بكك دعوتيله بعض سقرلرنده
بولنيورلردى . نيشابور محاصره سنده دخى برابر
ايديلر . نادر قولى بك قلعه ني ضبط ايله محافطى
بولنان ملك محمودك برادر زاده سى ملك اسحاق
ومعيتنه عهد و امان و يردكده كوردلر بونى قبول
ايتديلر ؛ ملك محموددن كوردكلرى مظللك
اخذ ناري ايچون اسحق ومعيتنى افنا ايتك
ايتسيورلردى . عهد و اماننى محافظه به قيام
ايدن نادر قولى بك ايله اوزون مدت مجادله
ايتديلر . ملك محمود بو زماندن بالاسفاده
برادر زاده سنك امدادينه ياشمش و وقوع بولان
حريده نادر قولى بك مهزماً قاچش ايدى .

نادر قولی بلك بوندن طولای خوشان
کوردرلیه آراری بوزولدی . بعده بو کوردلر
رؤسانك نادر قولی بكة رقابتلری دخی آرایه
قاریشمقلمه بیلرلنده مدت مدیده مجادله و منازعه
حکم فرما اولمشدر .

ملك محمود نیشابور حادثه سندن صوکره
شاهلغنی اعلان ایتدی ، اسمته سسکه ضرب
ایتدیردی . نادر قولی بك ایسه انهرامك تاثیردن
عاری اولدیغنی کوسترمك اوزره براز مدت
صوکره مشهد جوارینه آقین ایتدی ؛ ملك
محمود اشتری نام موقعده قارشوسنه چیقدی ؛
وقوعبولان شدتی برحاربده نادر قولی بوزیلوب
ایکی کیشی ایله کلاته قاجه بیلدی . معیتده کی
عسکرندن برقمی قیاجدن کچمش وبقیه السیوف
تماماً اغیرمجروح اوله رق میدان حریده قالمش ایدی .
نادر قولی بلك انهرامی فنا تاثیرلر کوستردی ؛
اطاعتده بولان برلر خلقی آئیده بروضع مخالفت
آلدیلر . ابیورد جوارنده کی آفشارلر جمله سنه
اولک آتاق اولوب امداد لرینه چاغیردقلری تور-
کنلرله متفقاً نادرک مرکز حکومتی اولان ابیورد
قلعه سنی اله کچیردیلر . نادر قولی نك بو باده یاواش
طاورانسی عصیانك اطرافنی صارمسنه سبب
اوله جق ایدی . بوندن طولای کندیسنه علی العجابه
چکی دوزدن وروب کلاتدن چیقدی ، آفشار
وتورکنلری بوزوب ابیورد قلعه سنی آللرندن
قورناردی . سرعت حرکتی وعاصیلره قارشی
شدت کوسترمیه رك امان اعطاسی اطراف
طور مخالفتی ازاله وتسکین ایتشددر .

نادر قولی بك ایشنی یولنه قویدقدنصکره
ملك محمودی عزیمت ایتدیکی خوشانده باصد برامق
اوزره حرکت ایتدی ؛ اثنای راهده آنک
خوشان کوردلرینی اوردرق پریشان ویاغما

ایدوب مشهده عودتی خبر آلدیغندن ابیورده
دوندی . اوراده براز مدت اقامتله دوچار خلل
اولان انتظامنی اعاده وقلعه سنك متانت واستحکامنی
تزئید ایتدکدن صوکره عسکرینی طوپا لایوب
اخذنار ایچون مشهده توجه ایتدی . ملك محمود
دخی دشمنك تکرار کندینی طوپا لایغنی خبر
آلدیغنده آنی بوتون بوتون قهر و تدمیر ایتمك
مقصدیله عظیم تدارک تده بولنش و مشهده بو یوک
بر قوت جمع ایله منتهی عزیمت بولنش ایدی .
طرفین مشهد جوارنده کودسکن موقعده قارشو-
لاشدیلر . وقوعبولان غایت شدید حریده ملك
محمود عسکرینك پیاده لری تماماً قیاجدن کچوب
سواریلرینك بقیه السیوفی طوتساق اولدی . ملك
محمود یالکنز باشه مشهد قلعه سنه التجا وتحصن
ایتدی . اوردوسنك چادر ومهمات و طوپوخانه
وسائر اشیای حریبه سی تماماً میدان حریده
قالمش ایدی . حتی نقاره خانه سنی بیه قاجیرده ماش
ایدی . نادر قولی بك غانماً کلاته دوندی .

ملك محمود بوزغونلق بك زیاده کران کیش
ایدی . مغلوبیت خبری اطراف وا کشفه شایع
اولدقدن فنا تاثیرلر حاصل ایده جک وعلهنده
جریان حصوله سبب اوله جق ایدی . نزدند
بولوب کندیسنك دایمانادر قولی ایله مخاصمه سنی
ترویج وتشویق ایدن آفشار رؤسا ورجالیله
مشورت ایتدی . تورکنلری ، خوشان کورد-
لرینی ، نساودرون خقنی اتفاقلرینه جلب
ایدرك آنلرکله ادبله اخذنار آئینده بولندیلر .
ترغیب وترهیب سورتیه جمله سی ملك محمودک
دعوتی قبول ونادر قولی بكة مخالفت ایچون
عهد وپیوند ایتدیلر . بو وجهله اداره سنده
اولان مملکتك اطراف اربعه سنده نادر قولی
بکه قارشی براتفاق عمومی حاصل ایلدیلر .

نادر قولى بك قلعه يى براز عسكرله محاصره يه
آلدیره رق بقیه قوتیه درون جانینه ایلغار ایتدی،
اوراده کی تورکمنلری تأدیب وتالان ایلدی؛
قورغان محاصره يه مدت مدیده طیانیه یه رق
تسلیم اولدیغندن نادر قولى بك مرو اوزرینه
یوریدی. مرو موقعده عن اصل قاجار طائفه سی
متکمن و حاکم اولدیغی حالده تاتار جماعتی
مملکتی الیرینه کچیرمشار و ملک محمود اطاعت
ایلیه رک مدت مدیده تابعیتده ثابت قدم بولمیشلردی.
مرو سفیرینک سبی قاجارلرک نادر قولى بکدن
استمدادلری ایدی. مقاومت قیام ایدن تاتارلر
مغلوب اوله رق قلعه یه قاپاندیلر. نادر قولى بك
جبراً قلعه یی ضبط ایتدی، تاتارلر ایله قاجارلری
باریشدیروب شهرک اداره سنی کافی السابق قاجارلر
تودیع وتاتارلری خارج بلده ده اسکان ایلدی؛
اوجوارده بولسان کوچه به عربلری ایبورد
کوچوردی. کندیسیده عادتی وجهه اورادن
مشهد طوغری ایلغار ایلدی. اثنای راهده شاه
طهماسبک خراسانه کلهرک خوشانی قرارگاه
اتخاذ ایتدیکنی خبر آلدیغندن اورایه توجیه
وجهه عزیمت ایتدی.

محمد عارف

نادر قولى بك دشمنلرینک طوبیلا نمسه،
بردن وهر طرفدن مملکته تجاوز ایتهلرینه
مانع اولوق اوزره غایت سرعتله حرکت ایدهرک
برر برر اورمق مسلکتی طوتدی. اولوجه به بو
بادره عظمادن تخلص کریبان ایدهرک ایدی.
مخالفلردن تورکمنلری نسا جوارنده باصدیروب
غارت ونسا خلقی نوازش والتفات ایله رام
ایلدکن صوکره مشهد جوارینه ایلغار ایتدی.
مدافعه ایچون قارشوسنه چیقان ملک محمودی
پوصویه دوشوردی. فقط قیشک بك زیاده
شدندن طولای ایکی طرف مصادمه ده دوام
ایدمدی. نادر قولى بك ایبورده و ملک محمود
مشهد دوندی.

نادر قولى بك بعده سرخس جهته سفر
ایلیه رک کندینه مخالف و مخاصم اولان خلقی
مجبور ایتدی. اطاعت و اورانک عشیرتلردن اوچ بیک
قدر خانه خلقی ایبورد و کلات سمته کوچوردی.
بو سفری متعاقب ایبورده دونه رک براز مدت
صوکره قورغان حصاری اوزرینه یوریدی. بو
موقع افشار قلعه لرندن اولوب حاکی پاپالو عاشور
بك دولت صفوی یه انتسابی جهتیله نادر قولى به
و ملک محمود تمایل و اطاعت کوسترمیه رک قلعه
ونواچیسنده باشلو باشه حکم سوریبوردی.

